



UNIVERSITÄTS-
BIBLIOTHEK
PADERBORN

Universitätsbibliothek Paderborn

Conciliorvm Omnivm Generalivm Et Provincialivm Collectio Regia

Ab anno MCCCXVI. ad annum MCCCCXXIII.

Parisiis, 1644

Capitvla.

urn:nbn:de:hbz:466:1-15653

30 IOANNES CONCILIVM LUDOVICVS BAVARVS
PAPA XX. IMPERATOR.

ANNO
CHRISTI
1317.

rantia & negligentia, tum ex superbia & irreuerenti inobedientia, viam coheredum Christi circa grauitatem & honestatem, habitum & incessum ecclesiasticæ religioni decentes, & quam fideles & catholici habere debent, exorbitabant, pro his, quantum Deus annuerit, reformati, ad salutem animarum, quam vehementius zelamus pro diuina reuerentia, catholicae fidei vnitate & honore, prouinciale Concilium circa hæc reformanda duximus conuocandum & congregandum apud Bononiam. In quo, primo constitutiones editas & promulgatas per bonæ memorie fratrem Latinum, tunc apostolicæ sedis legatum in his partibus, & alias per fratrem Bonifacium prædecessorem nostrum, Forliuii, & nos Rauennæ & Argentæ in prouincialibus Conciliis legi fecimus: ac deinde, ipso sacro approbante Concilio, constitutiones infra scriptas duximus statuendas.

C A P I T V L A.

R V B R I C A I.

Cum ecclesiarum vacantium prouentuum & reddituum, ac bonorum ipsorum dispositio ad eorum ordinarios de iure pertineat, proinde duximus statuendum, quod vacanti ecclesiæ statim per ipsius episcopum œconomus debeat deputari diligens & discretus, qui redditus & prouentus ac bona ipsius colligat & conseruet, ad eiusdem ecclesiæ & successoris defuncti rectoris ipsius vtilitatem & statum. Prohibentes districte canonicis, clericis, seu patrono ecclesiæ sic vacantis, quod de redditibus & prouentibus, ac bonis ipsius ecclesiæ, se intromittere, vel disponere nullo modo præsumant, nec œconomum, ut prædiximus, ibidem per ipsum deputandum impediunt vel molestent, quo minus sibi iniunctum officium libere exequatur: nec aliter alicui eorum

^{ANNO CHRISTI}
^{1517.} competat de consuetudine approbata , vel priuilegio speciali. Quod si secus iidem canonici , vel clerici , seu patroni agere præsumperint , eosdem canonicos , & clericos , ac patronos , præsentis auctoritate Concilii , priuamus illa vice iure eligendi , seu præsentandi : Decernentes electionem , seu præsentationem secus & aliter attentatam , ipso iure nullius esse momenti .

R V B R I C A II.

Cum de iure nullus sacerdos alteri subditum , sine sui superioris commissione seu licentia , solvere valeat , vel ligare , nos quamdam consuetudinem , seu potius abusionem animarum plenam periculis (quod videlicet sacerdotes aliqui per non nullos prælatos sacerulares seu regulares , quibus in certis ecclesiis parochialibus rectorum institutio de consuetudine competit , in eisdem ecclesiis instituti , sine sui episcopi auctoritate , commissione , vel licentia parochialis ecclesiarum ipsarum , qui ipsius episcopi subditi esse noscuntur , præsumunt soluere & ligare , in suarum præiudicium animarum) cupientes penitus extirpare , hoc sacro approbante Concilio , sub priuationis & excommunicationis poenis , inhibemus sacerdotibus memoratis , quod nullo modo præsumant in ecclesiis , in quibus modo prædicto , & per prædictos fuerint instituti , in spiritualibus ministrare , nisi prius ab episcopo loci , prout iura volunt , eis cura commissa fuerit animarum , de quibus idem episcopus tenetur Christo reddere rationem , tamquam de oibus sibi commissis .

32 IOANNES
PAPA XX.

CONCILIVM

LVDOVICVS BAVARVS
IMPERATOR.

RUBRICA III.

ANNO
CHRISTI
1317.

Solicite pensantes, quantum officii pastoralis debitum prælatos adstringat curis solicitis & continua intendere, & per remedia salubria prouidere, in iis præcipue, per quæ saluti animarum consulitur & prouidetur: & quod parum est iura condere, nisi sit qui ea mandet executioni. Volentes igitur Piætauiense Concilium innouare, & debitæ executioni demandare, statuimus & ordinamus, hoc sacro approbante Concilio, & nihilo minus in virtute sanctæ obedientiæ monemus, & peremptorie, quod abbates, decani, archipresbyteri, præpositi, seu quocumque alio nomine censemantur, ad ordinem sacerdotalem se faciant promoueri; archidiaconi vero ad ordinem diaconatus: inferiores autem beneficiati in ecclesiis nostræ prouinciæ Rauennensis instituti, ad ordines sacros, secundum quod ^{*f. mu-} cuiuscumque beneficij requirit, infra annum se faciant promoueri. Si qui vero prædictorum animo indurato promotionem suam distulerint, & hanc nostram monitionem, statutum & ordinationem adimplere neglexerint, auctoritate præsentis Concilii ipso iure sint priuati omnibus beneficiis sacros ordines requirentibus, pro quibus promoueri tenebantur, quæ obtinent in nostra prouincia; nisi cum eis, vel aliquo eorum prædictorum fuerit dispensatum, vel in futurum dispensetur; vel nisi iusto impedimentoo detenti fuerint, quo minus promoueri potuerint: & tunc impedimentoo cessante, procu-

rent,

ANNO CHRISTI 1317. rent, quam cito poterunt, se ad ordines, vt præmittitur, facere promoueri. Ut autem hoc salubre prouinciale statutum leuius & plenius debitum sortiatur effectum, & prætextu ignorantiae, quantumcumque crassæ, non possint inobedientes, desides, & negligentes aliqualem prætendere excusationem, adiicientes, statuimus & ordinamus, quod quilibet episcopus sanctæ Rauennatis ecclesiæ suffraganeus teneatur infra sex menses Synodus celebrare, in qua quidem hoc salubre statutum legi faciat. Et denuo omnes, vt supra præmititur, suæ ciuitatis & dioecesis moneat & inducat, cum prædicta pœna, ad ordines sacros recipiendos. Item quod in dicta Synodo declarent, omnes rectores præsentes & futuros parochialium ecclesiarum quæ curam animarum habent, nec sunt collegiatæ, non promotos ad ordinem sacerdotalem, infra annum a iure statutum in Concilio Lugdunensi, ipso iure fore priuatos, nisi cum eis fuerit dispensatum, vel in futurum dispensetur. Et si de nouo electi fuerint ad easdem ecclesias, cum hæc sint contra constitutionem bonæ memoriae Bonifacii papæ octaui. Quos rectores & nos priuamus, seu priuatos declaramus auctoritate præsentis Concilii. Si qui vero in futurum dignitates vel beneficia similia adepti fuerint, teneantur se promoueri facere infra annum ad sacros ordines, secundum quod requirit onus suæ dignitatis vel beneficii: alioquin sint priuati ipso iure, auctoritate præsentis Concilii, beneficiis omnibus, pro quibus promoueri tenentur, quæ in nostra obti-

Concil. Tom. 29.

E

nent prouincia, nisi & cum talibus dispensetur per
superiorem suum.ANNO
CHRISTI
1517.

RVBRICA IV.

Quoniam sacerdotium ex indiscipline populi apparet non sanum, & propter lascivas dissolutiones clericorum & religiosorum detrahitur diuino honori & ordini clericali, populique minus ex hoc fiunt deuoti, in tantum, vt etiam iura ecclesiarum retinere, & alii quandoque temerarie inuadere non vereantur, cum incessus, habitus & vestimenta clericorum & religiosorum in grauitate, forma ac colore distincta saepius non videantur ab habitu laicorum, quemadmodum esse deberent: proinde statuimus & mandamus, sacro approbante Concilio, pro honestate ordinis clericalis, quod nullus religiosus, vel clericus portet arma, nec vestimentum alterius coloris, quam a iure permitti: quæ defuper clausa sint atque talaria. Coronam etiam condecentem portent, per quam designetur regalis esse generis, & sperare se debere assequi partem hereditatis diuinæ: quæ scilicet sit rotunda: & ita tonsi sint inferius, quod aures pateant, ita quod si in sacris fuerint, aut beneficiati in ecclesia cathedrali vel collegiata venerabili, secundum conditionem sui status portent latiorem: alii vero mediocrem vel minorem, suis statibus condecentem. Capita cooperiant pileo, vel bireto, vel armutia oblonga ad aures. Laicorum conuiuia non frequentent. In dominibus ecclesiarum studeant habitare. Prælati, sacerdotes, & alii in dignitatibus vel personatibus

ANNO CHRISTI
1317. constituti, ac canonici cathedralium ecclesiarum in sacris ordinibus constituti, sacerdotes & reatores ecclesiarum ciuitatum & suburbiorum, per ciuitatem incidentes, decentem habitum portent, videlicet cappas, chlamydes, vel tabardos. Sacerdotes vero extra ciuitatem & suburbia, & alii in sacris ordinibus constituti, saltem tabardos tales, seu condecentes portent. In ecclesiis vero vtantur cappis, vel cottis albis. Loca turpia nullo modo ingrediantur, nec tabernas, nisi forte in necessitate in itinere constituti, pro cibo vel potu, vel hospitio compellantur intrare. Tabernas, merces illicitas, aut personas suspectas, in ecclesiis vel domibus ecclesiarum, quæ sint intra claustrum, vel ad usum clericorum vel ministrorum deputatae, seu in domibus contiguis ipsi ecclesiæ, nullo modo permittant tueri vel commorari. Si quis autem inuentus fuerit arma portare cuiuscumque generis, poenam incurrat 40. solidorum Rauennatum. Si vero habitum vel tonsuram incongruentem portauerit, 40. solidorum poenam incurrat. Si autem ingressus fuerit tabernas, nisi sit in itinere constitutus; vel merces illicitas contraxerit emendo vel vendendo, per se vel alium, praesertim si vinum vendiderit, vel vendi fecerit, vel passus fuerit, quod in dictis domibus quoquo modo vendantur, videlicet in domibus ecclesiarum, in quibus ministri ecclesiæ consueuerunt habita-re, vel aliter ipsis ecclesiis contiguis, poenam 10. librarum incurrat. Et eamdem poenam incurrant tenentes mulieres suspectas in domibus praedictis

Concil. Tom. 29.

E ij

vel teneri facientes. Idem & si teneri , vel habitare patiantur. Si quis vero sine cappa , vel saltem cotta alba , interfuerit diuinis officiis , pœnam quinque solidorum se nouerit incurrisse : & eamdem pœnam incurvant non portantes chlamydem vel tabardum , incedendo per ciuitatem , nisi euidentis paupertas rationabiliter aliquem vel aliquos excusaret . Et similem pœnam incurvant coniuia laicorum frequentantes , & alii qui capitibus discoopertis incedunt , vel incedent. Quas pœnas declaramus clericos sœculares tantum incurrere , & eas teneantur prælati eorum exigere , in vſus pauperum conuertendas : nec ipsis vlo modo remittere * possit , cum hoc statuatur in fa- f. pol.
uorem ecclesiasticæ honestatis. Si vero fuerit religiosus , qui in prædictis , vel in aliquo prædicatorum delinquat , ieunet bis in hebdomada in pane & aqua , publice cum fratribus comedendo , & sedendo in terra. Quam poenitentiam si non inchoauerit infra mensem , & inchoatam non perficerit , eum exnunc capituli voce priuamus , & ultimum in choro volumus eum esse. Et hanc pœnam patiatur quoisque dictam poenitentiam inchoauerit , & inchoatam perfecisse noscatur. Et nihil minus contra facientes priuati sint ipso iure priuilegiis & fauoribus Concilii huiusmodi , & omnium aliorum Conciliorum prouincialium : quia frustra legis implorat auxilium , qui committit in legem. Omnes autem alias constitutiones nostras & prædecessorum nostrorum prouinciales , positas sub titulo , *De vita & honestate clericorum* ,

ANNO CHRISTI 1317 cassamus & irritamus, & eas nullius momenti esse volumus, & præsentem solummodo constitutio-
nem remanere in sui roboris firmitate.

R V B R I C A V.

Quoniam experientia docente, quæ rerum est efficax magistra, manifeste cognouimus, vt plurimum personas insufficientes, illiteratas, & alias indignas ad ecclesiastica beneficia obtainenda, institutas in ecclesiis & monasteriis nostræ prouinciæ Rauennatis: ad hæc necessitate quadam urgente illos, ad quos spectat electio seu receptio canonorum & monachorum in dictis ecclesiis & monasteriis, hoc sæpius inducente nimia laicorum importunitate, interdum affinitate aliqua seu consanguinitate, vel alias singulari & inordinata dilectione, quæ sæpius homines inducunt, vt omisso rationis iudicio, carnalitatis sequantur affectum, & dignis prætermissis, indignos ad honores ecclesiasticos assumant, ex quibus plurima damna prouenient ecclesiis, & diuinus cultus minuitur, quem summopere desideramus augeri. Cupientes igitur huic pestifero morbo quantum possumus obuiare, & de salubri remedio ecclesiis & monasteriis prouidere, præsenti approbante Concilio, statuimus & ordinamus, quod de cetero nullus instituatur vel recipiatur in fratrem & canonicum alicuius cathedralis ecclesiæ vel collegiatæ, vel monachum alicuius monasterii, vel canonicum regularem, sine licentia speciali ordinarii loci ac metropolitani, si videatur opportunum ordinario loci, super quo conscientiam ipsius oneramus. De-

E iiij

cernentes exnunc , prout extunc , irritum & inane , quidquid contra factum fuerit , seu attentatum . Hoc autem statutum durare volumus usque ad triennium , seu sequens Concilium : infra quod aestimationes bonorum & reddituum fient , ita quod pro eorum facultatibus competens numerus ministrantium poterit taxari & statui , prout iura requirunt .

R V B R I C A VI.

Plerumque contingit , quod propter minas & potentiam laicorum , nonnulli religiosi prelati nostrae prouinciae coguntur indebito nonnullos in suorum locorum fratres recipere , vel conuersos , ex quo prelatis ipsis & eorum locis grauamina multa prouenire noscuntur . Cupientes igitur laicorum in hac parte temeritates excludere , praedictorum prelatorum ac ipsorum locorum indemnitatisb prouidere , hoc sacro approbante Concilio , prouide duximus statuendum seu declarandum , quod modo praedicto recepti in fratres seu conuersos quorumcumque locorum , ad eligendum tam actiue , quam passiue fiant inhabiles : nec ad tractatus quoslibet admittantur , nec eisdem in vestimentis per locorum prelatos modo aliquo debeat prouideri . Quod & in receptis in monialium monasteriis modo praedicto volumus habere vigorem .

R V B R I C A VII.

Quoniam ex diutina vacatione damna plurima in spiritualibus & temporalibus ecclesiis solent prouenire , sicut iura testantur , & rerum experientia manifestat : volentes itaque iuxta debitum offi-

ANNO
CHRISTI
1317.

cii nostri ecclesiis in prouincia Rauennati constitutis, contra dispendiosas vacationes, de salubri remedio prouidere, hortamur in Domino omnes fratres coepiscopos nostros, præsentes & absentes, ac alios inferiores prælatos & clericos, cuiuscumque status & gradus vel conditionis existant, quatenus pro Dei honore & salute animarum suarum & populi salubriter & celeriter vacantibus ecclesiis de personis idoneis prouidere procurent, ne lupus rapax gregem dominicum inuaderet, & ne bona dilapidentur. Nihilo minus, sacro approbante Concilio, statuentes, quod si quando contingat propter defidiam seu negligentiam, ad nos collationem dignitatis alicuius vel beneficii seu præbendæ cum cura reuolui, teneantur prælatus & capitulum & clerici ecclesiæ, in qua dignitas, beneficium vel præbenda huiusmodi tanto tempore vacauerit, quod ad nos sit collatio deuoluta, infra mensem a tempore scientiæ deuolutionis huius, hoc nobis intimare, seu vicario nostro, nobis in remotis agentibus: ne, quod absit, ecclesiæ diu maneat desolatæ, & nos nostro defraudemur desiderio. Illud idem statuimus circa fratres coepiscopos omnes prouinciæ Rauennatis suffraganeos, quando de ipsis ad capitula collatio deuoluetur. Quod & de patronis auctoritate eadem volumus & statuimus intelligi debere. Negligentes & remisfi hoc salubre statutum adimplere, & sequenti Conciolio arguantur, & pœna debita castigentur.

R V B R I C A VIII.

Etsi deceat, & satis consonet rationi & iuri, qui-

buscumque clericis collegiarum ecclesiarum certum & determinatum numerum habere clericorum , tanto magis canonicis cathedralium ecclesiarum hoc competit , quanto tamquam caput aliorum in seipso debent ostendere , qualiter inferiores in domo Dei conuersari debeat : non plures in quibuscumque ecclesiis debent institui , quam ex bonis ipsarum viuere possint : hoc maxime in cathedralibus seruari debet , ne propter inordinatam constitutionem cogantur ipsorum canonici , in opprobrium totius cleri , miserabiliter mendicare . Volentes ergo inordinatis receptionibus factis & fiendis in prouincia nostra , quantum possumus , prouidere , hoc sacro approbante Concilio , statuimus & ordinamus , quod ubicumque in cathedralibus vel collegiatis ecclesiis determinatus est numerus canonicorum vel clericorum , statuto vel consuetudine , ille seruetur , nec augeatur quocumque quæsito colore , nisi iusta de causa & de licentia ordinariorum suorum . Vbi autem numerus certus determinatus non est , præcipimus statui & firmari iuxta facultatem ecclesiarum , & hoc infra sex menses a publicatione constitutionis præsentis numerandos . Sed quia non est reprehensibile iudicandum , sed laudandum , si secundum varietates temporum varientur etiam humana statuta , & saepius sit inueniri , quod ecclesiæ antiquo numero canonicorum statuto grauantur , idcirco statuimus , quod si aliquæ ecclesiæ collegiatæ vel cathedrales inueniantur antiquo statuto numero in præsenti rationabiliter prægrauari , volumus , quod canonici

ipsa-

ANNO CHRISTI 1317 ipsarum ecclesiatum , de licentia suorum ordinariorum , seu ipsi ordinarii , vbi ad eos solos spectat , reducant seu statuant talem numerum iuxta facultatem ipsarum ecclesiarum : ita quod cedentibus vel decedentibus canonicis , nullus de nouo loco cedentis vel decedentis instituatur , quo usque pervenerit ad numerum sic ab antiquo statutum , vel de nouo statuendum . Et quia nonnulli tam episcopi quam alii prouinciae nostrae , praeteriti & praesentes , vt fide dignorum relatione audiuimus , ecclesias cathedrales vel collegiatas , quarum institutio vel ordinatio ad eos spectabat , vel ad se spectare praetendebant de consuetudine vel priuilegio , aggrauant & aggrauarunt indebito & inordinato numero clericorum , & tali , quod nullo modo ecclesiæ praedictæ sic institutis & inordinatis in necessariis prouidere potuerunt , nec possunt : quod cedit in vituperium , nedum eorum , sed totius cleri : & cum tales clerici non possint ecclesiis deferuire , & cogantur quodammodo mendicare , idcirco volentes tali morbo debitam adhibere mendalam , statuimus & ordinamus , quod nec episcopi , nec alii possint vel debeant in ecclesiis cathedralibus , collegiatis , vel aliis , in quibus institutio vel ordinatio ad ipsos noscitur pertinere , aliquem vel aliquos ultra numerum praesentem de nouo instituere sine licentia sui superioris : & si contra fieret , sit irritum ipso iure . Volumus etiam , & eis praecipimus in virtute sanctæ obedientiæ , quod numerum sic ordinatum in praedictis ecclesiis sic institutum redigere debeant ad debitum congruentem

Concil. Tom. 29.

F

numerum. Et quia qui altari seruit, de altari viuere debet, & qui ad onus elititur, a mercede repelli non debet; statuimus & ordinamus, quod prædicti ordinatores, deficientibus propriis redditibus ecclesiæ, in quibus indebitam ordinationem fecerint, in futurum teneantur sic institutis per ipsos, residentibus in ecclesiis in quibus instituti sunt, ipsis ecclesiis in diuinis & aliis deseruientibus, necessaria procurare, & tam in victu, quam in vestitu & aliis necessariis, iuxta earum exigentiam facultatum.

RVBRICA IX.

Quorumdam clericorum desidiam & periculosa negligentiam raditus extirpare volentes, qui in eorum ecclesiis residere negligunt, in graue præjudicium animarum ipsorum, & scandalum plurimorum, propter quod ecclesiæ sèpius diuinis defraudantur officiis, cultusque diuinus minuitur, quem summo cordis desiderio augeri desideramus, hoc sacro approbante Concilio, citamus & requirimus, & monemus omnes clericos nostræ prouinciæ, cuiuscumque ordinis, dignitatis & status & conditionis existant, quatenus infra sex menses a die præsentis citationis, monitionis & requisitionis numerandos, quorum duos pro primo, duos pro secundo, reliquos duos pro tertio peremptorio eis assignamus, redire debeat ad continuam residentiam faciendam in eorum ecclesiis: eodem sacro approbante Concilio, statuentes & ordinantes, quod si quis, vel si qui clerici absentes hanc nostram monitionem contempferint, vel in futurum se absentauerint ab eorum ecclesiis, vltra

ANNO CHRISTI
1517. quindecim dies , sine speciali petita licentia & ob-
tentia ab ordinario loci vel eius vicario , ipso ordi-
nario extra ciuitatem agente , ipso iure sint priuati
beneficiis omnibus quæ in nostra prouincia obti-
nent , nisi per superiorem super iis fuerit cum eis-
dem misericorditer dispensatum.

R V B R I C A X.

Quia parum est iura condere , nisi executioni
debitæ demandentur , & per bonæ memoriae fra-
trem Bonifacium prædecessorem nostrum , in
Concilio per ipsum Forliuii celebrato , inter cete-
ra statutum extiterit , quod vbi statutæ non essent
in cathedralibus vel collegiatis ecclesiis quotidiana
distributiones , in Synodis proxime faciendis
per singulos suffraganeos Rauennatis ecclesiæ pro-
inde statuerentur , vt per hoc ipsis ecclesiis singu-
lis horis in diuinis melius seruiretur : & attenden-
tes patres coepiscopos nostros in executione con-
stitutionis prædictæ vt plurimum hucusque ne-
gligentes fuisse ; volentes igitur dictam constitu-
tionem tamquam rationabilem executioni debi-
tæ demandare , hoc sacro approbante Concilio
statuimus & ordinamus , quod quilibet suffraganeo-
rum nostrorum sub pœna inobedientiæ teneatur
sic prouidere , quod in cathedralibus vel collegiatis
ecclesiis dictæ quotidianæ distributiones fiant , &
mensa communis deputetur : vel vbi dictæ distri-
butiones seu mensa commode ordinari non pos-
sent , sic per eosdem ordinarios prouideatur , quod
decenter & deuote in diuinis officiis ecclesiis ipsis
deseruiatur : vt sic cultus diuinus non minuatur , sed

Concil. Tom. 29.

F ij

potius, vt cupimus, augeatur. Si quis autem suffraganeorum prædicta non obseruauerit, pœnam statutam contra transgressores Canonum poterit formidare, & nihilo minus in sequenti Concilio duius increpetur.

RVBRICA XI.

Cum imponendis & exigendis collectis talis modus & diuisio debeat obseruari, vt nulla ecclesia, seu ecclesiastica persona se indebite prægrauari ex iis rationabiliter conqueri possit; ac saepe contingat dominos suffraganeos ecclesiæ Rauennatis debere Rauennatem ecclesiam visitare pro festiuitatibus sanctorum martyrum Apollinaris, Vitalis, vel aliis ex causis in prouincia emergentibus a nobis euocari; quos non oportet, pro factis prouinciæ, propriis stipendiis militare: volentes hoc adhibere remedium opportunum, statuimus & ordinamus, hoc sacro approbante Concilio, quod quilibet episcopus nostræ prouinciæ in ciuitate & diœcesi sua, & de consensu cleri ad hoc specialiter conuocati, personas sufficientes & idoneas deputet & ordinet infra tres menses a publicatione præsentis constitutionis, quo omnes redditus & prouentus ecclesiarum omnium, monasteriorum & aliorum locorum religiosorum, cuiuscumque status vel conditionis existant, discutiant & examinent diligenter, & describant seu describi faciant per publicum notarium, iustum æstimationem & debitam vnicuique ecclesiæ imponentes: & hoc in monasteriis, prioratibus, ecclesiis seu locis ecclesiasticis aliis, vbi a decem annis citra non est fa-

ANNO CHRISTI
1317. Cta æstimatio ante dicta. De qua quidem taxatio-
ne & æstimatione teneatur quilibet episcopus, ad
expensas cleri sui, per scripturam publicam archi-
episcopali curiæ facere fidem infra tres menses, ex
quo dicta æstimatio facta fuit: secundum quam æ-
stimationem & taxationem statuimus & ordina-
mus, omnia onera nostræ Rauennatis ecclesiæ
prouinciæ imminentia ad præsens, vel in futurum,
debere diuidi & partiri inter prælatos & clerum
Rauennatis prouinciæ. Idem modus etiam & di-
uisio per ipsos obseruetur in diuidendis & distri-
buendis oneribus specialiter impositis clero suæ ci-
uitatis & dicecessis. Circa venerandos quoque pa-
tres & coepiscopos nostros ducimus statuendum,
volentes parcere grauaminibus subditorum, quod
si quando eos laborare contingat, pro factis pro-
uinciæ Rauennatis quindecim equitaturis seu e-
uectionibus ad plus sint contenti, & minus: vt
minores non doleant, & iuste conqueri possint,
se indebite prægrauari: & ipsorum procurationi-
bus 12. solidos Bononienses pro quolibet equo:
pro palfreno vero domini, vnum florenum auri
pro qualibet legali dieta, seu die quo laborauerit,
taxamus. Si vero pro præfatis causis contingeret
abbates & prælatos aliquos, seu canonicos cathe-
dralis ecclesiæ, aut clericos, laborare, abbatibus &
prælatis quatuor equos, canonicis ecclesiæ cathe-
dralis, tres; clero vero, vnum taxamus. Et pro
vnoquoque equo 10. solidos Bononienses habere
debeant a clero, & non ultra: & in hoc sint taciti &
contenti. Clericus vero siue laicus, qui sine equo

mitteretur a clero , seu iret occasione cleri , sex solidos Bononienses pro qualibet competenti eis dieta taxamus.

R V B R I C A XII.

Etsi , Propheta testante , doceamur psallere Deo , & singulis horis psallere sapienter , multo fortius hoc debemus attendere , quando missa præser-tim solenniter celebratur , vbi angelicæ hierarchiæ inuocantur , & in tali tanto mysterio , vt sancti te-stantur , assistunt , debemus voce , spiritu , & mente psallere humiliter & deuote . Cum igitur missa in aliqua ecclesia nostræ prouinciæ in nota cele-bratur , debent omnes maxime sacerdotes & cle-ri ci in ecclesia ipsa , quantum possunt , assistere ce-lebranti , ac omnis clamor , strepitus & tumultus in eadem ecclesia conquiescere . Quidam vero non debito modo considerantes , prædictam missam quæ in nota cantatur , irreuerenter prætereunt , de sacris induere , missas vno concursu cum sacerdo-te celebrare volentes , ex quo populorum concur-sus ac pedum strepitus per ecclesiam fit cum quodam sonoro clamore : & sic missa quæ celebra-tur in nota , per indirectum quodammodo impe-ditur , seu minus deuote attenditur . Volentes igitur huic indiscreto actui necessariam adhibere medelam , sacro approbante Concilio , mone-mus omnes sacerdotes tam fæculares , quam regu-lares nostræ prouinciæ , atque statuimus , quatenus cum missa celebratur in nota in aliqua eccl-e-sia , nullus alias sacerdos missam celebret in eadem , donec missa præfata fuerit plene completa . Qui

<sup>ANNO CHRISTI
1317.</sup> autem contra fecerit , sui ordinarii arbitrio puniatur , ac durius increpetur : pœnas etiam contra inobedientes latas merito poterit formidare.

R V B R I C A XIII.

Quia nonnulli abbates , priores , præpositi , archipresbyteri , & alii ecclesiarum inferiores prælati , prout est huic sacro Concilio intimatum , contra rectores & clericos ecclesiarum subiectarum prælatis eisdem , ordinario iure , inquisitiones formant , accusations admittunt , ac ad priuationem & pœnas alias procedere non verentur ; & per hoc , tam iuri communi , quam pontificali dignitati plurimum detrahunt ; statuimus præsentis auctoritate Concilii , quod nullus abbas , prior , præpositus , archipresbyter , seu aliis prælatus inferior episcopo , contra rectores seu clericos ecclesiarum subiectarum eisdem inquisitionem formare , accusationem admittere , vel ad priuationem procedere quoquo modo præsumant . Decernentes irritum & inane quidquid contra hoc statutum per talem fuerit attentatum , nisi de speciali priuilegio , vel consuetudine legitime præscripta , eis hoc competere dignoscatur . Ordo namque ecclesiasticus confusione pateret , si pontificalis iurisdictio non seruaretur .

R V B R I C A XIV.

Quamquam Iudæi per ecclesiam tolerentur , non tamen debent in fidelium detrimentum , seu graue dispendium , tolerari : quod sæpius Christianis accidit , pro gratia contumeliam , & pro familiaritate contemptum reddendo . Ideoque olim

prouinciale Concilium Rauennæ celebratum , considerans ex ipsorum cum Christianis permixta conuersatione multa scandala prouenisse , statuit , ac perpetua stabilitate firmauit , quod ipsi rotam panni crocei coloris in vestibus superioribus , ac mulieres ipsorum consimilem rotam in capite deberent portare , vt sic a Christianis possent discerni : & quod ad habitandum alicubi vltra mensem recipi non deberent , nisi in locis , in quibus obtinent synagogas . Sed quia nonnulli nescientes a vetitis abstinere , statutum salubre præfati Concilii vilipendunt , ignorantia affectata , poena docente , poterunt cognoscere , quam sit graue constitutiones ecclesiasticas præterire : ideoque sacro approbante Concilio , volentes huic morbo salubriter prouidere , monemus omnes tam clericos , quam laicos nostræ prouinciæ , atque statuimus , quatenus nullus de cetero locet domos ipsis Iudæis , nec locatas dimittat , aut vendat , seu quocumque colore concedat , vel inhabitare permittat vltra duos menses a publicatione præsentis constitutionis . Qui vero contra fecerit , ipso facto excommunicationis incurrat sententiam , a qua absolui non posse , nisi plene satisfecerit in prædictis .

R V B R I C A X V .

Vsurarum voraginem vtriusque testamenti pagina reprobata , in nostra prouincia reprimere cupientes , denuntiamus , seu declaramus , hoc sacro approbante Concilio , omnes vsurarios manifestos , donec de vsuris , prout patiuntur facultates eorum , plenarie satisfecerint , vel de satisfaciendo ,

ANNO
CHRISTI
1517.

ciendo pro suarum viribus facultatum idoneam
præstent cautionem, fore communione altaris &
ecclesiastica sepultura priuatos; eorumque oblatio-
nes recipi non debere, nec ipsos absolui posse: te-
stamenta quoque ipsorum non valere, sed esse ir-
rita ipso iure. Omnes etiam, qui huiusmodi vsu-
rariis communionem altaris, ac corpus Christi
tradiderint, aut eos ad ecclesiasticam admiserint
sepulturam, donec ad arbitrium ordinarii loci
satisfecerint, ab officii sui executione decerni-
mus seu declaramus esse suspensos. Adiicientes, vt
pœnæ huiusmodi subiaceant omnes, qui tales vsu-
rarios absoluenterint, aut ad communionem altaris
admiserint, siue testamentis aut sepulturæ inter-
fuerint eorumdem. Tabelliones quoque de mu-
tuis & contractibus vsurariis, vel in fraudem vsura-
rum initis, instrumenta confidentes, vel recipien-
tes scienter, quibus vsurarii pœnis subiaceant
ipso facto. Ceterum in recipienda ab vsurariis
pœnitentibus, de vsuris restituendis, cautione præ-
dicta, hanc haberi volumus & obseruari caute-
lam, vt ante omnia per confessionem vsurarii,
vel per librum, vel libros rationum eius, aut per te-
stes siue instrumentum, vel aliquo alio modo fiat
certa & manifesta, si poterit, receptarum quan-
titas vsurarum, non earum tantum, quæ ab incer-
tis, verum etiam quæ sunt a certis vniuersitatibus
& personis extortæ. Si vero id non sit possibile, ar-
bitretur & moderetur quantitatem huiusmodi is,
qui ex vigore præsentis constitutionis recepturus
fuerit cautionem huiusmodi, secundum rectam

Concil. Tom. 29.

G

50 IOANNES CONCILIVM LUDOVICVS BAVARVS
P.XX. IMP.

ANNO
CHRISTI
1517.

conscientiam , ex fama , seu vicinorum testimentiis ,
aut ex coniecturis aliis verisimilibus informandam .
Vbi vero per postas libri usurarii non apparuerit ,
per petentem sibi usuraras restitui de usuris solu-
tis , si petens habuerit instrumenta originalia , vel
exemplaria sumpta de originalibus communis
ciuitatis , vel loci illius , in quo contractum fue-
rit debitum mutui recepti ab usurario , aut alte-
rius obligationis cum illo contractæ , vel cum
alio pro eodem , & instrumentum solutionis , seu
liberationis , vel confessionis , solutio usurarum
præsumatur & iudicetur : & ipso mutuo , vel ob-
ligatione a die contracti debiti seu obligationis ,
usque ad diem instrumenti confecti solutionis : &
ab illo extorsisse usuraras , tot denarios pro libra singu-
lulis mensibus , quot declarare voluerit dicœ-
fanus episcopus , aut eius vicarius , vel pœnitenti-
tiarius , si ipse usurarius in dicta cautione non de-
clarauit , & dixit quot denarios accipiebat pro li-
bra mensibus singulis . Quando autem solutionis
instrumentum aut scriptura non apparuerit , tunc
iudicetur , usuraras per sex menses usurarium extor-
sisse ab illo , ex illo mutuo , seu obligatione secun-
dum rationem & taxationem prædictam , pro
mense quolibet : dummodo appareat per postas
libri , vel alio modo legitimo mutuum , vel obliga-
tionem fuisse contractam . Quo factò , promittat
solemniter , & iuret usurarius ei qui , vt * permittitur ,
hanc receperit cautionem curiæ ordinarii loci , vbi
usurarius fuerit , omnium quorum interest vel in-
tererit , nomine , quod ipse , si poterit , per seipsum ,

ANNO
CHRISTI
1517. vel alium , seu alios , & in præsentia vicarii ordinarii prædicti , vel eius pœnitentiarii , vel alterius de curiæ licentia , sine difficultate qualibet , de usuris a se receptis , & a patre suo , ceterisque personis , quorum hereditas ad ipsum peruererit , & de aliis male ablatis , & illicite acquisitis per usuriam prauitatem , usque in quantitatem æstimatam , & etiam maiorem , si de maiore constiterit , satisfaciet eis , a quibus eas ipse , vel illi receperunt , aut eorum heredibus , si potuerint reperiri : & residuum , de quo , cui restitui debet , non constabit , ordinario , vel vicario , seu pœnitentiario ipsius ordinarii libere assignabit , pauperibus erogandum , iuxta ordinarii arbitrium , sine strepitu iudicii , & figura . Et quod nihil dicet , vel allegabit , vel faciet per se , sive per alium , propter quod ipsius curiæ processus , sententiae , vel præcepta impediantur , aut quomodolibet retardentur circa ipsarum usurarum & illicite acquisitorum modo prædicto restitutionem : speciali pacto se , & suos heredes , & bona obligans ad prædicta , & renuntians expresse , specialiter & generaliter omnibus exceptionibus , iuribus & defensionibus , secundum libitum , & expressionem recipientis huiusmodi cautionem . Sed pro his attendendis , & restitutione , & assignatione , ut præmittitur , faciendis , obliget omnia bona sua , illa se constituens precario nomine dictæ curiæ possidere : omnimodam licentiam concedens , & liberam potestatem ipsi curiæ , & recipienti cautionem prædictam , pro ea , apprehendendi , distrahendi , & alienandi de ipsius bonis

Concil. Tom. 29.

G ij

libere ac impune , auctoritate propria , & contradictione non obstante cuiusquam , quidquid & quantum , & vbi voluerit ipsa curia , vsque ad integrum restitutionem & satisfactionem prædictorum . Et eorum occasione renuntiet etiam usuris , & sibi promissas remittat , ac iuramenta sibi pro eis soluendis , vel non recipiendis , seu repetendis præstata , relaxet , reddat , aut saltem reddere promittat : & iuret , quod libros & quaternos rationum suarum , & instrumenta usuraria quæ habebit , vel habere poterit , absque dolo vel fraude , diminutione siue subtractione , ordinario , vel eius vicario , seu certo nuntio dabit & consignabit per se vel alios , pro eodem . Assignet etiam pecuniam quam habet , vel faciat depositum , si poterit , ad arbitrium ordinarii , seu vicarii , vel pœnitentiarii ipsius : quod quidem in cautione ipsa venire censemus . Damnet etiam heredes suos futuros , sub pœna hereditatis amittendæ , ad eadem facienda : ipsi heredes , si præsentes fuerint , eadem se facturos sub pœna & sub religione promittant & iurent . Det præterea , si poterit , pignora , vel saltem fideiussores idoneos , qui ad prædicta eodem modo , & sub eisdem pœnis & tenoribus obligent principaliter se & sua , constituentes se principales debitores in prædictis , renuntiantes epistolæ diui Hadriani , beneficio nouarum constitutionum de fideiussoribus , & omni alii defensioni & iuri , ad arbitrium recipientis cautionem eamdem , ex pacto speciali , præstantes simile iuramentum . Hæc autem præcipimus fieri coram sacerdote parochiali , & testi-

ANNO
CHRISTI
1317.

bus fide dignis ac notario publico, de ordinarii, vel vicarii, aut pœnitentiarii ipsius mandato, qui recipiat prædictas promissionem & obligationem, renuntiationem & cautionem, & cetera supradicta, de his conficiens instrumentum. Denique cautionem ipsam per singulas ordinariorum diceceses, vbi ordinarius vel eius vicarius præfens non adesset, recipiat rector parochialis ecclesiæ, in qua usurarius habitabat, vel notarius publicus in sacerdotis defectum, qui infra mensem teneatur hoc denunciare loci ordinario vel eius vicario. In ciuitate vero nullus omnino absque ordinarii vel vicarii, seu pœnitentiarii ipsius licentia speciali, nisi forte parochialis sacerdos, vbi non poterit requiri ad hæc cura ordinarii, superueniente subito casu mortis, de illa recipienda se intromittere præsumat: alioquin poenam 10. librarum Rauennatum incurrat absque satisfactione debita minime relaxandam. Illos namque, quoad prædicta, declaramus usurarios manifestos, de quibus per parochiam quam inhabitauerint, vel vbi morerentur, fama fuerit extorrisse usurpas, vel ipsorum confessione, aut per idonea argumenta seu alio modo legitimo apparebit. Constitutionem quoque præsentem omnes parochialium ecclesiarum rectores, etiam si collegiatæ fuerint, habeant, legant & intelligent: usurariorum poenas prædictas frequentius in suis ecclesiis publicantes, & suas cautijs euitantes, si diuinam & nostram effugere cupiunt ultionem.

RUBRICA XVI.

Quorumdam fraudibus legis prævaricatorum

G iij

occurrere intendentes , qui dum male ablata ha-
bent , de quibus ignoratur cui sit restitutio facien-
da , quæ essent per locorum episcopos aut ipsorum
auctoritate inter pauperes prouide dispensanda ;
legant vel legare procurant , male ablatorum præ-
textu , de illis non facta mentione , aliquam pecu-
niæ quantitatem per executores seu alios , excluso
fraudulenter ordinario episcopo , dispensandam ;
hoc sacro approbante Concilio statuimus , quod
de cetero quælibet persona , quæ restituere seu re-
stitui voluerit aliqua male ablata incerta , siue de
quibus , cui facienda sit restitutio , ignoretur , in suo
testamento , codicillo vel ultima voluntate expref-
se dicat & clare , *Relinquo istud vel illud , seu tantum*
de male ablatis incertis , seu restitutione ipsorum : nec
dicat , *relinquo pro remedio animæ meæ , seu parentum*
meorum : neque aliquid aliud inferatur , propter
quod quæ sunt ipsius male ablata incerta , non plenarie
cognoscatur , sub poena 10. librarum Rauen-
natum , quas in usus pauperum conuertendas de-
cernimus . Rectoribus , capellanis ecclesiarum
mandantes sub excommunicationis poena , quod
aliquorum ultimis voluntatibus non intersint ,
seu ordinationibus eorumdem , quos sciuerint vel
crediderint contra mentem attentare constitutio-
nis huiusmodi , vel in fraudem : & quod exponant
infirmis & ipsorum heredibus , vt nisi nominatim
& expresse legauerint male ablata incerta restitu-
enda , non habebunt ecclesiasticam sepulturam .
Quoslibet vero clericos , religiosos , vel saeculares ,
qui circa hoc fraudem aliquam procurauerint ob-

ANNO CHRISTI
1517. seruari, ab ingressu ecclesiæ & participatione sacra-
mentorum suspendimus in his scriptis.

R V B R I C A XVII.

Licet ex dictis sanctorum & ex scriptis Conciliorum, omnibus seruis Dei venationes cum canibus & aubus sint interdictæ, nonnulli tamen religiosi, sicut fide dignorum relatione accepimus, hoc minus pensantes, honestatis laxatis habenis, monachali modestia prorsus abiecta, monasterii claustrum abhorrentes, sine quo monachus vita carere describitur, sicut pisces vita carent sine aqua, more laicorum ipsis intendunt in grauem religionis offendam, opprobrium & scandalum plurimorum. Volentes igitur prædictorum statui periculoſo & detestabili ſalubriter occurrere, hoc ſacro approbante Concilio, diſtriictius inhibemus religiosis omnibus, cuiuscumque ſtatus, conditionis, religionis, vel ordinationis exiſtant, ne de cetero venari, ſeu ad venandum exire præſumant. Si quidem abba-tes, priores vel præpoſiti, ſeu alias administra-nes habentes fuerint, per annum ipſo facto ſint fuſ-pensi ab omni administratione, donec ad manda-tum ordinarii plene ſatisfecerint. Inferiores vero ſint ineligibiles, & vltimi ſemper inchoro habean-tur, donec ad mandatum abbatis, prioris vel præpoſiti ſufficienter pœnitentiam egerint de com-miſſis.

R V B R I C A XVIII.

Sæculares potestates, ſeu rectores vel iudices quorumcumque locorum prouinciæ Rauennatis, qui clericos per ipſos, ſeu ipſorum familias cum ar-

mis, vel alias excessisse, & maxime in habitu clericali repertos, detentos retinent, & ad diœcesanum episcopum remittere denegant, requisiti, seu qui clericos ipsos, si eosdem remitti per eos forte contigerit, in scandalum & opprobrium ordinis clericalis, tubis præcedentibus & tubantibus, armis apud ipsos inuentis, ad eorum collum appensis, & cum multitudine armatorum, seu alias in honeste ad eumdem transmittunt episcopum: declaramus præsentis auctoritate Concilii, excommunicationis vinculo innodatos, & eorum sententias & processus per ipsos seu auctoritate ipsorum latos & factos, extunc fore censemus inualidos, donec satisfactio ne præstata, a prædicta excommunicationis sententia per sedem apostolicam dumtaxat absolutionis beneficium meruerint obtinere.

R V B R I C A X I X.

Cum nullus pro eodem delicto debeat duplii pœna puniri, statuimus & ordinamus, hoc sacro approbante Concilio, quod si qua alia pœna statuta esset in constitutionibus synodalibus nostris, vel suffraganeorum nostrorum, quam in nostris constitutionibus provincialibus, vel prædecessorum nostrorum, statutum circa idem factum reperiatur, quod altera ipsarum sit contentus loci ordinarius, & una electa & imposita per ipsum, seu eius vicarium, alteram infligere, seu inflictam exigere non possit.

R V B R I C A X X.

Cum inferior superioris legem habeat obseruare, nec eam possit infringere, seu etiam abolere, & in

ANNO CHRISTI 1317. in iure contineatur, quod episcopi plures, vel vnuſ, non poſſint concedere indulgentiam vltra numerum quadraginta dierum, excepto in ſola eccleſia rum confeſcatione: quod de vno anno ſtatutum fuit in Concilio Forliuii celebrato per bonæ memoriæ fratrem Bonifacium prædeceſſorem noſtrum, circa prælatos eleemosynarios, ſub rubrica de pauperibus alendis, limitamus & reducimus ad numerum 40. dierum, hoc ſacro approbante Concilio. Ad hoc diligenter conſiderantes, quod qui aliis præſunt, lenitatem cum feueritate miſcere de- bent, & cum ſubditis miſericorditer agere: ita ta- men quod honestas & disciplina clericalis non de- ſtituatur, aliam noſtram conſtitutionem prouin- cialem editam & promulgatam per nos in Concilio Argentæ celebrato, poſtam ſub titulo, de ætate & qualitate ordinandorum, duximus moderan- dam, eodem ſacro approbante Concilio statuen- tes, quod non obſtantē conſtitutione prædicta, nos & quilibet epifcopus cum ſuis ſubditis diſpenſare poſſimus, qui contra tenorem & formam dictæ conſtitutionis ad ordines ſunt promoti, vel in fu- turum promouerentur. Hortamur tamen pro re- uerentia Dei dictos dominos epifcopos, quod conſtitutionem ipsam ſic ſalubriter ſtatutam obſer- uent, & mandent a ſubditis obſeruari, ne per pro- prias vel alias personas indignas & minus ſufficien- tes ad ordines promoueri contingat: quod ſolum mens dictæ conſtitutionis requirit.

R V B R I C A X X I.

Item cum negligentia seu contumacia indeuo-
Concil. Tom. 29. H

torum pœna condecenti debeat puniri , & in Concilio Rauennæ per nos celebrato inter alia fuerit statutum , quod capitula ecclesiarum cathedralium quam citius commode possent , obitum suorum episcoporum singulis comprouincialibus episcopis deberent nuntiare : & si super hoc fuerint negligentes vel remissi , hoc sacro approbante Concilio statuimus , quod capitula ipsa infra 10. dies postquam sciuerint suum episcopum defunctum fore , archiepiscopo & singulis suffraganeis teneantur nuntiare : alioquin pœnam 10. librarum Rauennatum ipso facto incurvant , distribuendarum in vſus pios metropolitani arbitrio .

RVBRICA XXII.

Desiderabiliter affectantes in iis per quæ saluti consulitur animarum , humanæ fragilitati , quæ facile declinat ad malum , via salutifera prouidere , auctoritate Dei omnipotentis & beatorum apostolorum Petri & Pauli , ac approbatione huius sacri Concilii , absoluimus , seu absoluendos decernimus omnes & singulos subditos nostros & suffraganeorum nostrorum , & ecclesiæ Rauennatis , qui pœnas aliquas seu pœnam , contentas vel contentam in sacris constitutionibus nostris , seu prædecessorum nostrorum , prouincialibus seu synodalibus nostris , vel suffraganeorum nostrorum , vel qui notam inobedientiæ incurrisse , mandatis nostris seu ordinarii vel vicarii nostri , seu ordinarii eiusdem , non parendo , si contriti confiteantur infra vnius mensis spatium a notitia præsentis , & ad mandata ordinarii , læso secundum formam eccl-

ANNO CHRISTI
1517.
siæ satisfaciant , seu eius vicarii , eo in remotis a-
gentiæ , vel vicarii capituli vbi ecclesia vacat : super
hoc nobis referuantes auctoritatem plenariam ab-
soluendi & dispensandi , etiam si in constitutione
specialiter reseruatur absolutio & dispensatio Con-
cilio prouinciali : eamdem auctoritatem conce-
dentes , & specialiter committentes , præsentis
auctoritate Concilii , locorum ordinariis , seu eo-
rum vicariis , ipsis in remotis agentibus , & vica-
riis capituli vbi ecclesia vacat. Hortamus etiam &
in Domino obsecramus venerabiles patres & co-
episcopos nostros præsentes & absentes , vt pro di-
uina pietate & reuerentia huius sacri Concilii rela-
xari faciant quos episcopi vel alii de eorum man-
dato seu auctoritate detinent carceratos ; dummo-
do scandalum inde non oriatur , ac orationes fre-
quentent seu frequentari mandent in Missis pro pa-
ce & contra persecutores ecclesiæ , videlicet ora-
tionem , *Ecclesiæ tuæ* , vbi non dicitur oratio , *A
cunctis*. Relaxamus quoque eadem auctoritate om-
nibus & singulis vere pœnitentibus & confessis , qui
ad hoc sacrum Concilium accesserunt , vel pro eo
laborauerunt , de iniunctis pœnitentiis 40. dies ,
pro singulis diebus quibus laborauerunt vel labo-
rabunt , vsque ad festum omnium sanctorum inclu-
siue. Referuamus insuper nobis , hoc sacro appro-
bante Concilio , arbitrium puniendi & absoluen-
di , quos de iure possumus , contemptores & trans-
gressores sacrorum Canonum , cuiuscumque ordi-
nis , præminentia , dignitatis vel status existant.
Ad hæc , eodem sacro approbante Concilio no-

Concil. Tom. 29.

H ij

60 IOANNES
P.XX.

CONCILIVM

LUDOVICVS BAVARVS
I M P.

bis specialiter reseruamus au^toritatem & potesta-
tem declarandi , interpretandi , temperandi , seu
minuendi dictas prouinciales constitutiones seu
pœnas in eis contentas , & super dictis pœnis mi-
sericorditer dispensandi cum omnibus & singulis
subditis nostris , & suffraganeorum nostrorum ,
prout qualitas negotiorum & conditio persona-
rum requireret.

ANNO
CHRISTI
1517.

Le^ttae & publicatae fuerunt prædictæ constitu-
tiones per reuerendissimum patrem , dominum R.
permissione diuina sanctæ Rauennatis ecclesiæ ar-
chiepiscopum, in ecclesia cathedrali Bononiæ, assi-
dentibus venerabilibus patribus & dominis, domi-
nis Huberto Bononiensi, fratre Petro Comaclensi,
Petro Foropompiliensi, Ioanne Cæsenate, Gui-
done Regino , pro se & ecclesia sua , & pro fratre
Simone Parmensi episcopo , qui post secundam
sessionem, ex rationabili causa se absentans, in om-
nibus & per omnia commisit vices suas eidem , &
consensit omnibus quæ terminantur in ipso Con-
cilio: Rimbaldo Imolensi, Guidone Ceruiensi, epi-
scopis, ac procuratoribus fratris Huguizonis Sasse-
natis, fratris Hugolini Fauentini, Salionis Adrien-
sis , episcoporum absentium : Mutinensi propter
infirmitatem se canonice excusante , seu ordinan-
dis & statuendis pro se & suo clero reuerenter con-
sentiente : procuratoribus archidiaconi & capi-
tuli Forliuiensis , cum ecclesia ipsa ad præsens pa-
store vacet ; & capitulorum cathedralium ecclie-
fiarum prouinciæ Rauennatis. Præsentibus etiam
religiosis & venerabilibus viris, abbatibus , priori-

ANNO
CHRISTI
1317. bus, præpositis, archipresbyteris, & aliis quampluribus ad Concilium ipsum conuocatis: Huguizone præposito, Catia presbytero, Gerardino subdiacono cardinale, Boninsegna presbytero, & Albertino subdiacono, cantoribus sanctæ Rauennatis ecclesiæ: Guidone sanctorum Fabiani & Sebastiani, Petro sancti Petri in curte, Ioanne sanctæ Euphemiacæ, ecclesiarum rectoribus, conuentus clericorum Rauennæ: fratre Andrea priore sanctæ Pelagiæ de Cremona, vicario ipsius domini archiepiscopi; Conrado archipresbytero Paduano, & quampluribus aliis: sub annis Domini MCCCXVII. indictione xv. die XXVII. Octobris.

R VBRICA XXIII.

Nos Rainaldus permissione diuina, & apostolicæ sedis gratia, sanctæ Rauennatis ecclesiæ archiepiscopus, dudum volentes executioni debitæ demandare constitutionem piæ memoriam Bonifacii papæ VIII. quam edidit & promulgavit super clausura monialium, & in qua expresse statuit, omnes & singulas moniales, cuiuscumque religionis, status vel conditionis existerent, sub perpetua clausura debere manere, nullique personæ ad eas ingressum patere, inobedientiæ notam ac maledictionem æternam effugere cupientes, easdem moniales, vbi ad nos spectat, mandauimus & fecimus includi, ac quasdam constitutiones addidimus synodales & prouinciales, in quibus omnibus indistincte tam clericis, quam laicis prohibuimus ingressum monasteriorum, & ad easdem accessum,

H iij

fine nostra seu vicarii nostri , vel alias ordinarii loci
seu eius vicarii , nobis seu ordinario loci in remo-
tis agentibus , licentia speciali , pœnas pecuniarias ,
& sententias excommunicationis certo modo in
contra facientes promulgantes . Verum quia a plu-
ribus personis fide dignis , maturis & honestate
præditis sæpius audiuimus , quod dictæ nostræ
constitutiones , quas pro salubri remedio anima-
rum intentionis nostræ erat edidisse , ad ruinam &
periculum animarum multorum tendere videren-
tur , cupientes , quantum nobis ex alto concessum
est , semper auctore Deo , de salubri remedio ani-
marum saluti consulere : super hæc etiam solicitati
sæpius & requisiti , constitutiones ipsas , auctorita-
te nobis concessa in Concilio Bononiæ per nos
celebrato , declarandi , interpretandi , minuendi ,
moderandi & mitigandi constitutiones prouincia-
les nostras & prædecessorum nostrorum , & pœ-
nas in eis insertas , moderamus & declaramus , ac de-
clarando ac mitigando statuimus , quod nullus de-
cetero pœnas in dictis constitutionibus contentas
incurrat pro ingressu monasterii ; dummodo lo-
cum monialibus pro clausura deputatum per lo-
corum ordinarios non ingrediantur , in quo casu
firmæ & illibatae dictæ constitutiones permaneant .
Concedimus etiam , quod quælibet persona , quæ
non sit notabiliter suspecta , possit loqui moniali-
bus memoratis , sine metu pœnæ , ad cratem seu
fenestram ferream , de licentia abbatissæ , seu prio-
rissæ , vel eius locum tenentis : præsentibus tamen
semper duabus ex monialibus ab abbatissa vel

ANNO CHRISTI
1317. priorissa , vel earum vicem tenente , vt præmittitur , specialiter deputatis , quæ semper videre possint & audire sororem , seu monialem , ad fenestram vocatam .

R V B R I C A XXIV .

Cum ad præsidentis officium pertineat , exactiones illicitas prohibere , & operantibus de præmio seu mercede condigna iuxta qualitates laborum facere prouideri , & in Concilio dudum per nos Rauennæ celebrato contineatur , vt salario notariorum & sigilliferorum dominorum episcoporum taxarentur & moderarentur , & quam plures querelæ ad nos deuenerint super indebitis extorsionibus & oneribus exactis ab eisdem , super hoc que in sacro Concilio per nos nuper Bononiæ celebrato , collatio inter nos & suffraganeos nostros , qui in dicto Concilio interfuerunt , habita fuerit : & cum dictum fuerit debere super hoc prouideri de remedio opportuno ; sed quia multitudine negotiorum in dicto Concilio terminandorum occupati , non potuimus plene tunc temporis circa hoc intendere sicut desiderabamus , per præsentem paginam duximus ordinandum , & hortandum dominos episcopos , suffraganeos ecclesiæ Rauennatis , quatenus quilibet eorum in sua curia limitare , taxare , & moderari debeat , ad omne scandalum tollendum , quantum notarii seu scriptores eorum vel officialium ipsorum percipere debeant pro quolibet instrumento seu scriptura publica vel priuata , & quantum sigillifer pro sigillo : Nosque ex potestate nobis in dicto Concilio tra-

dita declarandi constitutiones prouinciales nostras,
& prædecessorum nostrorum, & omni modo, quo
melius possumus, volentes quantum in nobis est,
dictam constitutionem obseruare, & executioni
debitæ demandare, ordinamus & taxamus, quod
in solutione facienda notariis pro scripturis, & sigil-
liferis pro sigillo, modus infrascriptus debeat ob-
seruari.

In primis recipere possit notarius de literis ci-
tationis simplicibus, seu breuibus, cum registra-
tione 12. denarios Rauennates vel Bononienses, &
sigillifer pro sigillo 6. denarios. De literis citatoriis,
cum narratione prolixa 2. solidos; & pro sigillo 6.
denarios. De citatione per nuntios, sine literis, vi-
delicet pro commissione & relatione 12. denarios.
Si vero citarentur duo aut plures, recipere possit
duos denarios pro quolibet, vltra dictos 12. dena-
rios. De comparatione seu præsentatione 4. dena-
rios. De consignatione termini, seu prorogatione,
2. denarios pro parte. De licentia, parte absente, 4.
denarios. De accusatione contumaciæ, cum prote-
statione expensarum 6. denarios. De protestatione
sine scriptis 6. denarios. De protestatione in scriptis,
si fuerit prolixa, soluatur ad modum folii registri, sic-
ut infra continetur, in simplici copia. De oblatio-
ne libelli 3. denarios. De exceptionibus in scriptis 3.
denarios pro qualibet, vel aliter ad modum registri.
De replicationibus recipiat idem. De litis conte-
statione & iuramento, a qualibet parte 12. dena-
rios. De registratione libelli recipiat ab auctore tan-
tum, quantum pro registro, in simplici copia, vt
supra.

ANNO CHRISTI 1517. supra. De petitionibus , pro vnaquaque recipiat a ponente 3. denarios , & a respondentे 1. denarium. De articulis recipiat ab exhibente, ad modum registri, vt supra. De copia articulorum , recipiat tantumdem. De testibus, pro examinatione & scriptura, de quibus folio continente ad minus 25. lineas pro pagina, & 12. dictiones pro linea, quæ est forma registri, 2. solidos. De copia in publica forma, tantumdem. De simplici copia 16. denarios. De registratione instrumentorum , & aliorum productorum , recipiat ad modum folii registri. De simplici copia , vt supra continetur, 16. denarios. Si instrumenta & alia producta registrari non contingat ex causa, tunc de scriptura, seu annotatione, sicut sunt producta, pro qualibet instrumento 4. denarios. De conclusione in causa a qualibet parte 16. denarios. De exhibitione suspectorum & confidentium , & assumptione sapientium ad consulendū, a qualibet parte 6. denarios. De articulo quæstionis, super quo debeat consuli, si formabitur, pro parte qualibet 12. denarios , & pro sigillo to. denarios. De sententia definitiua lata ex causa pecuniaria, vel more ciuili , quæ æstimationem recipiat , recipiat pro prima libra 2. solidos , & pro singulis libris , vsque ad 10. libras, 12. denarios , pro libris & abinde supra , vsque ad quinquaginta libras, vltra dictam taxationem, 3. denarios pro libris. Vltra vero dictas quantitates , vsque ad centum, 2. denarios , pro libris, & abinde supra 1. denarium, pro libra qualibet , vltra omnes prædictas taxationes, & pro sigillo pendente, si fuerit pendens, 6. solidos ad plus: si non fuerit pendens, 2.

Concil. Tom. 29.

I

solidos Bononiæ. De interlocutoria, 2. solidos, vel plus, vel minus, arbitrio iudicantis: pro sigillo pendente, 2. solidos; & pro non pendente 12. denarios. Item si appelletur ab ea, tantumdem recipiat: si detur in forma publica, & idem de sigillo, ut in proximo. De appellatione viua voce a diffinitiuā sententia 6. denarios. De appellatione in scriptis obligata recipiat ad modum registri, in simplici copia: & si fiat in publica, recipiat tantum, quantum habuerit de sententia. De sigillo soluatur ut pro sententia definitiuā. Pro sententia super iure decimorum, vel patronatus, si super eo consilium habeatur, recipiat notarius quartam partem eius quod consulti. Si autem super causa matrimoniali etiam requiratur consilium, vel super præmissis, vel consimilibus, consilium non haberetur, iudex arbitretur, pensatis statu, conditionibus & facultatibus personarum, & qualitate causarum, prout æquum & iustum videbitur, religioni & pauperibus compatiendo.

De solutionibus quæ occurrunt circa collationes beneficiorum in primis, si ponatur edictum de rectoria capellæ ruralis vel urbanæ, pro scriptura, commissione & relatione, 3. solidos, pro sigillo 12. denarios. Pro instrumento, confirmatione, collatione, seu inuestitura eiusdem 30. solidos: considerata tamen qualitate ipsius beneficii, & pro sigillo 2. solidos. Si edictum ponatur pro archipresbyteratu, vel alia dignitate seu personatu sacerdotali, 4. solidos, pro sigillo 12. denarios, pro instrumento confirmationis eiusdem 3. libras, pro sigillo 6. solidos. Si

^{ANNO}
^{CHRISTI}
^{1317.} ponatur edictum de prioratu, seu de abbatia 5. solidos, pro sigillo 2. solidos. Pro instrumento confirmationis eiusdem 8. libras: pro sigillo 10. solidos. Si de episcopatu ponatur edictum, 10. solidos, & pro sigillo 3. solidos. Pro instrumento confirmationis eiusdem 25. libras, pro sigillo 20. solidos. Si autem collationes, confirmationes vel inuestituras huiusmodi, seu causæ eorum alteri committere contingat, ad petitionem partis, vel partium, tunc soluatur notario de commissione tertia pars eius quod taxatum est: ut nihilo minus taxatio prædicta soluatur notario pro confirmatione. Si autem sponte, seu ex arbitrio committentis fiat commissio, tunc tertia pars, quæ dabitur notario pro commissione, computetur in salario supra taxato notario scribenti dictam commissionem: & detur pro sigillo id quod supra taxatum est. Si autem solam audientiam & comminationem causæ committi contingat, soluatur pro commissione duplum eius quod datum fuerit pro edicto. Si autem certum, vel certos articulos committi contingat, soluetur quod taxatum est pro edicto, & tantumdem pro sigillo. De commissione appellationis 10. solidos, pro sigillo pendente 2. solidos, vel 12. denarios. De literis quæstorum 20. solidos, pro sigillo pendente 3. solidos, alias 2. solidos. De dispensationibus beneficiorum, ætatis vel ordinum, 15. solidos, pro sigillo pendente 4. solidos, alias 12. denarios. Delicentia absentandi, seu non residendi, 10. solidos, pro sigillo 12. denarios. Pro litera præsatoria & testificatoria ad ordines 8. solidos, pro sigil-

Concil. Tom. 29.

Iij

lo 6. denarios. De literis seu instrumentis ordinum
3. solidos, pro sigillo 12. denarios. Et si aliquis ca-
sus contingeret, qui non videretur in præmis-
sis expressus, fiat taxatio eius & reduc[t]io, seu re-
strictio ad arbitrium boni viri secundum formam
registri, vt præmittitur, vel alias, prout æquita-
ti & *moderatori dominorum episcoporum, vel ^{f. mode-}
eorumdem vicariis videbitur conuenire, om-
nium semper æquitate librata: & quicumque hoc
direc[t]e & fideliter obseruauerit, tamquam fidelis
seruus Domini, mereatur præmium vitæ æternæ:
cogitans quod quidquid recipiet cum taxatione,
moderatione & restrictione prædictis, iuste recipi-
et, & licite poterit retinere, & sine aliquo con-
scientiæ remorsu. Contra vero facientes noue-
rint se plecti debere, etiam poena in constitutio-
nibus comprehensa. Et vt hæc omnibus nota fiant,
in albo fistilo describantur, seu clarius in membra-
na, in loco vbi ius redditur, affigantur, in singulis
prætoriis, vbi ius redditur in curiis episcoporum.

Et ego Rainaldus permissione diuina & apostolicæ sedis gratia
archiepiscopus, subscripsi.

LECTÆ & publicatae fuerunt supradictæ constitutio-
nes & statuta dicti domini archiepiscopi Rauennatis
in clero ciuitatis Mutinensis conuocato in episcopali pala-
tio Mutinæ per discretum & sapientem virum dominum
Floriamontem generalem vicarium venerabilis patris
domini Bonincotri episcopi Mutinensis, de præcepto &
mandato dicti domini episcopi, de verbo ad verbum, in
millesimo trecentesimo decimo octauo a natuitate,
indictione prima, die Iouis 29. Decembris, in præsentia
domini Iacobi Saraceni, domini Bernabei de Boschet-
tis, domini Bei de Luca, canonorum ecclesiæ Mu-
tinensis; domini Ioannis præpositi de Limiole, domini